

南
屏
山
人
集

南屏山人詩集卷三

溧陽任端書念齋

暮雨

高樹鳴鳩晚東風送雨頻
石欄飄乍濕鴛瓦響
初勻暗逐香篝潤
潛滋翠葉新
那將霑洒意飛入故園春

惜花二首

庭院深深獨掩門
養花天氣鎮輕陰
幾迴婀娜東風力
多少飄零夜雨心
開處遲遲休悵望
看

時細細莫侵尋
簾香祗恐成狼籍
秉燭空憐月影沉

二

開時誰遣笑春暄
不分飛紅又滿園
倘貯鶯花曾有國
欲尋煙蕊更何村
迴風作意搖仙袂
流水多情過續垣
銷歌鉛華一彈指
漫憑檀板為招魂

對月書懷

桂魄亭亭麗碧霄
仙家樓殿徧今宵
月當圓處

人偏遠秋正佳時夢易遙翡翠鈎懸天上鏡芙蓉屏倚座中簫熏香繡被無眠夜悵望江波隔畫橈

聽友思弟援琴

萬籟正沈沈澄冷起片音松風灑空澗流水連孤岑已帶清秋意能虛靜夜心悠然無一語涼露滿衣襟

苦寒行

仲冬蕭蕭北風作雪花捲席天邊落層冰三尺

無裂紋寒氣侵尋入羅幕玉爐灰影紅霞浮當
戶重披季子裘夜缸灑灑不知暖空思白醉登
南樓

南歸口號

朔風獵獵戍烟浮青綺門邊古陌頭樹起宿鴉
啼北郭人隨歸雁向南州關河歷歷催殘臘雨
雪瀟瀟點敝裘猶及還家醉春酒黃驄嘶去莫
遲留

雪夜泰安道中

南城騎馬路夜雪劇縱橫風攪天花亂雲蘊岳
色平光侵銀鬮曙冷撲玉鞍清楚店生殘火依
依過客情

歲暮渡黃河值冰下如山觸舟幾覆

破臘東風早黃河已解凌溜添千丈急聲帶兩
崖崩舟楫愁翻觸鼉鼉畏輾較中流幸飛渡回
首意曹騰

揚州見臘梅

江郭暄冬候緗簾放臘梅憑添官閣興渾似故

園開嬌額黃初上
檀心麝共催
偏空倚釵朶嫩
色照金杯

雪中渡江

極目蒼茫裏
漫漫朔雪浮
江聲凍京口
城影暗瓜州
花亂侵帆重
烟昏攪笛愁
金焦天外落
數點白如鷗

京口阻冰

北風中夜急
萬頃凍玻璃
勢欲埋蛟窟
愁難度馬蹄
江聲寒不起
檣影遠難齊
一葦丹陽岸
真

令客思迷

荆溪留別芳洲二兄

孝標群從共佳游，坐嘯春風罨畫樓。
芳草池塘生曉夢，竹林花月醉東頭。
長橋橘柚君初種，陽羨溪山我欲留。
奈得烟帆送人別，朝來江岸隔扁舟。

第二泉

第二泉誰品，唐年陸季疵。舍天澄雪色，漱石寫雲姿。
隔塢香茶社，分流入寺池。還逢劉白墮，素

落釀偏奇

奉題鄒晴川先生山水二首

細路斜橋帶野煙江南風景未霜前
吟餘忽憶東坡句淡墨秋山畫遠天

二

閒將素練擘鵝溪收拾煙雲入舊題
記取前身是摩詰數峯貧寫夕陽西

東河卜居成二首

一椽新夾清潭水三徑遙連仲蔚廬
宋玉臨江

初有宅杜陵錦里好安居秫田釀酒兼供鶴芳
檻移春且荷鋤屋宇無多足幽事何須門巷過
高車

二

疊石為峰傍小齋因邱緣壑即成臺隱囊紗帽
情俱得翠竹紅藤手自栽不礙雲山如西裏間
招風月下庭來書籤更愛飛花亂故遣虛牕竟
日開

獨酌

試問鷓鴣杓時呼鸚鵡杯白波還獨捲檀板未
須催妙理端能識竒懷亦自開醉鄉如作記無
使俗人來

山中落葉

千林黃葉落寒日曉霜清滿地無行跡空山作
雨聲寺門煙共濕苔澗岬初平為想荆臺上蕭
蕭幾夜情

題趙松雪浴馬圖二首

蹴電嘶風入塞雲渡江龍去不知春王孫零落

冬青老閉戶朝朝學滾塵

二

春江沙淨水如煙成隊浮波不用鞭自是精神
工貌取黃皮紅鬪紫毛旋

後苦寒行

江南地偏候多熟冬月常看稀雨雪苦寒不似
蘄門深往往梅花臘前發今年寒氣壯元冥十
日北風增凜冽雪封平地三尺厚河水直下千
層結行人曉憂僵隋拍推衾但覺稜成鐵那能

詩句覓驢背乍可閉戶坏虫穴轉疑水國如絕
塞茸裘吹偃肌膚裂時吟孟郊苦寒調短日青
蒼冷光徹安得一夕回春姿使我無憂歲闌節

讀高忠憲遺書

逆事何堪說東都運已窮清流劇餘袖遺表託
孤忠水共昭潭古書留碧盃紅黨人名字在千
載溯寒風

題梅花書屋

春風香滿屋老樹有梅花借問何人種孤山處

士家鈞簾亂書帙照月影橫斜誰伴吟秋水神
仙萼綠華

上巳

春波細細暖生鱗三月風光滿路新天氣還如
曲江節花枝曾照杜陵人錦裙湔罷翻歌扇寶
馬來時拂豔塵醉咏流杯未歸去柳條圍帶艸
鋪茵

秦園卽席

載酒名園入聯鑣曲徑通池亭葳複折岩壑起

玲瓏竹粉青琅字鶯譔錦樹風舊游多少在流
水管絃中

村燕

春事樂田家村墟護白沙茅檐歸燕入片影掠
風斜故故雙臨水時時緩啼花呢喃將子後隨
處逐縹車

郊外

六朝山色艷著蛾南國風流近若何宮樣粧成
劉碧玉機絲傳與竇連波飛花滿路嬌鈿朶畫

舫移雲妬綺羅日晚相逢採桑伴春情偏較洛
川多

題董宗伯長江萬里圖二首

江山筆底開生面水墨光中得意初看取天機
全到眼畫師誰似董尚書

二

一夜嘉陵聽水聲何人下筆慣通靈都憑老去
新亭監快寫生綃入杳冥

登錫山望太湖

湖水吞舟大人來坐石高晴天開遠色曉日見
秋毫沙鳥帆千笏漁歌畫一舸洞連青不斷時
復沒歸濤

芳洲二兄許惠素蘭久不見寄

曾說騷人九畹蘭一莖砂點玉翹寒種未春箭
黃磁斗長徧秋蓀紫石闌三月寄書聞許致半
焚臨砌未教看殷勤更問山中客何日根移曉
露攢

過潘氏山莊

卜築稱幽棲層層罨西溪林亭隨處好花竹與人迷石磴紅泉落山橋碧樹低素琴堪一弄風外歆相攜

西施庄

舊徑迷香斷千年響屐春不知亡國恨猶說沼吳人

專諸巷

吳市專諸闕花宮寧堵波空留名字在鐘鼓夜殺多

秦伯塚

讓王遺塚至今稱字滅碑殘問老僧祇有歌聲
悲採藥清風留得與延陵

闔閭城

燈火樓臺接暮雲闔閭城畔又黃昏湛盧飛去
江魚老歲歲春風破楚門

荷花

平池開靜院淥水冒朱荷醞豔瑤紅玉囊香動
紫羅露明烟共曉風定水微波白鳥時嘗下相

蕪麗色多

蓉湖泛舟

白舫紅橈破曉烟
錦沙芳藻媚晴漣
夕陽圖畫開金粉
春水樓臺浸管絃
共載豈無陶峴客
相看俱羨李膺仙
秋來應是多情思
霞綺光中唱採蓮

葦半閣

閣小真如舫
才空十笏多
經秋仍覆瓦
隨意擬牽蘿
簾額新月窓
花舊水波
題詩分雪壁
相

喚有羊何

山中同鄒晴川先生作

山虛不用辟塵方
鳥有幽啼徑有香
苔色冷和雲樹古
雨聲遙送石泉涼
窠搖松影溪千尺
人夢梅花月半牀
多少忘言靜中意
輕風為掃讀書堂

東亭晚興

嵐光淡將夕
獨向東亭路
荒榛煙景秋
蒼蒼滿平楚
迴塘漫故池
亂竹封殘圃
無人一登眺
俯

仰傷今古

香花稿

橋帶泉亭近花飛岬樹新
畫橈停別浦山屐趁
行人蝴蝶邀團扇
鳧雛覆白蘋春來酒壚畔
眉
樣捲微顰

荒村

丹楓黃菜帶霜翻
斷井危橋自一邨
古木多年作叢社
數家沿澗閉柴門
午樵歸後炊烟細
晚岬平來乳鴨喧
賣酒旗斜無處覓
雨餘留得漲

沙痕

山中新月

山中新月上才比玉鉤餘眉態兼峰
西秋輝抱樹疎已看涼思早復此夜
牕虛待得將圓候惟應照讀書

病瘥

難將瘥鬼朝朝避試把江靈細細論
未處竟如潮有信截時憑說蟹當門
層冰赤腳難銷熱五月披裘乍未溫
安得頭風愈飛檄杜陵詩句亦

空存

贈歌者

小史如初日新聲學館陶空歌三婦豔堪著五
花袍芍藥稱名好琵琶撥調高曲中誰敢羨只
有鄭櫻桃

高三維清約過水居不果

水亭烟樹繞微波露沈風酣景物和名跡前賢
曾未歇良辰佳約許相過扣門正擬侵晨到步
屨偏教晚晚何惆悵題詩寄高適負他鷗鷺往

來多

題華芋園先生花園二首

徵君三畝宅高士一牀書為圃情偏適留春樂
有餘詩瓢首寫潤花榭蝶飛初楊子談經處從
來興未踈

二

砌合叢叢竹畦澆細細泉槿籬饒曲折藥徑雜
沿緣駐屐濃香蕨分鋤帶月遷幽懷無箇事騷
雅得餘箋

雨後偕高維清步歸城南

宿雨初晴不作泥
江城如畫淨朝暉
佛頭洗徧
千山翠鴨綠平添
一澗肥康樂
閒携雙屐去
林宗斜墊角巾
婦故人好在
高常侍
五字吟成白鷺飛

夜坐

遙夜清如水
赫香獨坐時
踈簾鈎月早
芳樹弄風遲
佳句閑中得
幽懷靜裏知
起看庭院影
應有露華滋

喜得綠牡丹

慈恩寺裏無尋處丞相坊中暫覓來翠羽偕分
鸚鵡色碧霞輕捧鬱金杯青綾神女邛靈桂綠
繡仙人趙素臺不為乘鸞下瓊島等閑難見一
枝開

題崇安蘭若

南郭趨晴沙招提一水涯青山元度宅紅樹象
王家洗鉢臨寒澗談經對落花赤髯誰作論還
欲問毗耶

舟行即景

舟路何迢迢沿緣去安之顧見帆影進稍覺沙
岸移鳧鷖不驚人汎泛隨碧漪烟光媚遙思晴
天空倒垂是時春正深和風澹相吹蓬牕紛藹
儻景物呈妍姿田家兩三處斜出桃李枝游娛
永白日寫我情逶遲

晚泊

夜泊空江上風聲與水聲樹根深繫纜沙嘴暗
垂檉漁浦月初落船窗燈自明微聞吳客語時

復起鄉情

金山

金山一拳石，岷嶂橫滄江。因險遂成勝，瑰雄勢
無震。諸天壓水府，魚龍伏秋憲。濤散竟何怒，千
載相擊撞。

焦山

焦山涵閬口，偃蹇如高士。物外不可狎，遠秀絕
人世。泊船風江上，夜浪成夢悸。獨懷焦孝然，穩
卧山下寺。

雨後聞鶯

客意如何暑時 = 夢不成扁舟春雨後深樹曉
鶯聲睨晚催芳節間關說旅情江南三月暮啼
處雜花生

溪上

澄澄霞散欲平江鬱鬱蒲生已上塘步襪人來
川路遠撇波仙去雨痕長大堤拾翠沾殘粉一
水迴舟認暗香終怕金屏隔幽夢懊儂三十六
鴛鴦

游南屏新寺

梵宮枕南屏輝煌說新梅金殿毫光明寶蓋法
雲覆青青雙樹林鬱鬱鎖岩岫僧坊抱蓮花各
自開戶牖鐘鼓宵沉沉拜禮伏龍獸真文襲銀
函佛衣炫罽繡香廚導泉源清澄可鑿漱齋餘
洗殘鉢徃徃走猿狖精廬開此地往事良足究
當年讀書處先子實相就壁上莓苔澁俯仰歲
月驟題詩一輟轉山雲染歸袖

謝公渢二首

江左謝元暉宣城罷郡歸偶然開別業於此掩
柴扉年自永明古滄添春雨肥後來名跡在多
歎昔人非

二

滄水合成湖微茫浸綠蒲中葺亭榭好瀟洒畫
圖無四月全消暑扁舟試釣鱸耒耨轉增賞定
擬狎沙雉

山行

落盡飛花草樹新山行初夏鳥聲聞石間藤蔓

昏香氣雨後溪沙足錦紋冉冉幽篁生翠竹時
時孤嶂吐晴雲惜無高士堪同侶空望當年採
藥群

宿南屏僧舍

南屏山下路寂寂掩禪扉入院聞香氣垂枝挂
衲衣枕遣泉響落夢斷磬聲微一夜繩牀宿塵
心那不違

舊寺

舊寺何蕭條殘僧已頭白紺相迷故座蛛絲暗

頽壁廢興會有時萬事迭更易惟餘屏風山千
年長碧色

松鼠

亦自豐毛羽居然識性靈山空群託命樹古穴
痕青覓食緣枝下窺人隔葉聽一為羅者獲樊
籟伴文綉

宿田家

泱泱滕水白銑銑苗葉齊田家事力作早起隨
鳴雞歸來驅烏犍日脚素樹低殷勤留過客呼

婦烹伏雌濁醪不待賒黃梁已成炊
願客無遽行飽我葵與藜
夜靜明月出茅屋生光輝
照客有餘清竹樹相因依
念此田家人事朴情不違
信哉樂復多用歎征途非

聞笛

飛破樓中第一聲
依依裊裊倍關情
誰家玉笛吹良夜
纖手當窓倚月明
楊柳千條迴絕塞
梅花五月落江城
季長隴裏偏聽得
擬賦篋簞恨未成

初秋夜坐

蘭露洗殘暑，梧風生早涼。
簾光通夕滑，河影一天長。
點點螢流砌，微微月過墻。
無因賦秋興，閒坐數年光。

雁字四首

誰寄蘇卿北海書，一行秋翰破霜餘。
波明尾影全分隼，雲訴離愁不借魚。
嗆啞數聲成點後，橫斜排字近人初。
洞連多少詩情在，好倩乘風姿盍如。

二

上谷歸來見羽人，八分飄逸露精神。
青天作紙聊堪寫，碧海臨池偶寄身。
書向虛空渾不減，勢迴風雨看常新。
餘才乞與陶貞白，淅翰猶為世所珍。

三

峽嶺衡陽昨日過，陣雲千里試文戈。
人間筆力無餘地，天上書牋有絳羅。
空是羽毛羞野鴛，豈容儔侶託群鴛。
從誰寺墻閒題徧，一餉傳者未

足多

四

雪沉沙海獨摩雲太守何人在鴈門莫倚衝風
弔今古好憑積水繪乾坤稻梁文字原相敵霄
漢江湖即共論收拾閒吟付騷客亂鴉枯樹滿
孤村

費奕士招飲途中

好景清如水間庭淨暑塵舉杯邀皓月當席岬
綸巾高樹初張蓋餘花欲聚首可人看費禕醉

倒玉山頻

秋夜聽雨

却聽西牕雨秋涼夜始閒
洒多迷竹徑聲急滿
柴關石磴層雲濕溪流碧玉灣
何人同翦燭還與話巴山

微雪

消息斷歸鴉雲平朔吹斜
飛難作陣點不成
花天遠低寒岫江空散白沙
朝來賦水柱應見繞檐牙

雪夜歸自北門

正是雪寒候江邊獨客歸
城樓聞柝暗燈火出林微
凍合緣溪路聲沉隔巷扉
家人憫行役相恐濕露衣

除夕

幾經除夕過新年又醉今宵短燭前
天地無心賒歲月春秋長覺換風烟
浮名未擬嗟不雪事真湏付管絃
又報梅花香入戶朝正

雲篇

南屏山人詩集卷四

漂陽

湖上放歌

湖上清且美湖色淡如綺山翠波搖搖沙淺石
齒齒淪漣曠多趣譎蕩浩相委能使空心神兼
之悅名理魚鳥欣既狎塵裾樂方洗濠梁彌有
情滄浪自茲始渺渺長天清藹藹芳樹靡安當
招鷗夷扁舟卧湖水

春初簡山中知己

春事雖未動春光已自浮雲容晝俱暖風色晚
先柔竹暗鶯相和梅殘蝶更留寄言同調者佳
唱憶清詞

雨中聞鶯

春色未深處山中有早鶯啼時風自軟開處雨
將情枝底愁沾濕花間待送迎載陽時節好閒
與賦君康

溪上眺覽

晚色媚霞景清溪相屈曲龍山波上明遙遙淡

如沐春風起和聲佳樹生衆綠幽人展遐眺含
思竟何屬

蓉湖春思四首

春來何許寂闕情杜牧狂懷一倍增芳月解窺
雕戶瑟好風徐定繡簾燈越羅薄倚桃花扇紅
袖輕裁柿蒂綾留滯仙郎行樂地不教河影轉
銀繩

二

春娘迴舞小娘歌聽徹靛聲喚奈何屈戌封寒

隔銅蠡屏風畱夢護金鷺新詞璧月誇瓊樹小
字紅箋壓絳羅任是啼烏啼欲曙鴛鴦終解宿
江波

三

遙遙烟聚黛遺山細細珠栖髻上鸞人語留懽
碧鸚鵡花枝遮客紅闌干燕迷仙館迴飛急馬
戀章臺欲過難莫遣傷人妬香氣春波湔著未
經殘

四

芙蓉湖上水如油，明似青天淡似秋。
才子華年憐錦瑟，美人仙侶更蘭舟。
淥波三月江淹恨，香草千年宋玉愁。
俱託春心還極目，行雲回首礙高樓。

晚興

寒盡山家樂，春來晚興多。
餘花明夕照，白鳥沒清波。
舍影平堤上，溪烟野岸過。
誰吹隣寺笛，杳杳隔青籬。

秦園卽事

江東勝日多佳侶
淮海名家有舊園
人到蘭亭修竹茂
地如梓澤好花繁
題詩解帶風生筆
掃石彈碁月滿軒
山水清音間絲竹
不容談笑緩芳樽

梨花

群玉山頭一片雲
飛來遮際曉氤氳
應煩月戶備瓊斧
會如仙家暈羽裙
經雨新粧微著淚
因風香蕊薄含薰
年季三月雕闌畔
長見枝枝照影分

白燕

萬里曾無雪點衣
老池先帶海雲歸
瑤筐翬霧
難分影珠箔
穿時合共輝
明月雕梁看
隱約梨
花芳樹認
依稀
何年仙館
釵頭侶
暫作人間
玉
翦飛

羅漢泉

惠泉何從分
乃自羅漢水
一泓實濫觴
晝夜行
不止惠泉清
且甘漢泉薄
以菲同流
且同息
何復異源
委曰知
天地間
用舍有殊
理作此
漢泉

詩庶以示君子

落花三十首

春愁無限下吳江一
倍風花意未降是客心狂
偏泥酒有人腰細怕開
牕香沉繡被衣三浣紅
重綃封淚幾雙斜角晚
烟零落後綠槐踈雨竟
何邦

二

催婦誰遣喚春歸未
妮東皇小住佳桃李無言
空抱子燕勞分路併離
懷溪遣枉惜千金縷樓

上交愁萬寶釵簾幙重重貪卧病
夜深檀板靜
空齋

三

江天無賴曉陰陰儘送藤花別
故林碧海香生
難問種紫濛人去枉多金
旋催軟舞迴風急
徧著啼粧帶雨深
坐看芳菲總銷歇
向來徒惜折
盈簪

四

上馬才憐隋玉鬢
况嗟狼籍不成斑
波長易送

湘妃別樓迴憑招楚魄還與汝為鄰一生足闕
卿何事兩眉彎小軒睡起無情思芳草斜陽隔
遠山

五

各自飄揚不自持劇憐相妬復相隨渡江重愴
闕山曲行路難齊上下枝苔污錦鞞留瑞腦露
迷宮井濕胭脂留連到處知何為片片春心折
藕絲

六

冉冉飄塵奈爾何
珊珊紫袖撲闌過
乘潮永望珠移蛤
出寺頻追帖換鵞
壁去擬將秦柱碎
鏡沉偷借蜀江磨
青梅解說英雄事
夜半親聞帳底歌

七

青陽歲歲傷人回
有意無情不共媒
獨立風流空國媛
當時顏色徧輿臺
時來易值鸚哥喚
事去難憑羯鼓催
本是傷春又秋恨
為君臨水下蘭臺

八
爛熳初薰送夕曛三分芳節過平分畫塘粉水
琉璃地才子蘭舟越鄂君射鴨身間侵沼見賣
錫聲峭隔煙聞玉簫不遣輕吹徹已破靄纖一
樹雲

九

不成飛去復飛還聲斷陽關阿鵲鹹著髻已踈
香點點巡檐空喚手揉揉東鄰天遠窺人路南
浦風分送客帆邀伴明朝曲江曲更於何處典

春衫

十

交枝妨帽影
菲菲徧踏城南
舊杜韋啼歌
乳桐么鳳小
詞殘青箬
鱖魚肥九千
刻裏晴埋照
一萬分
遣雪打圍
歲歲獨添
妃塚恨月
明環珮
竟空歸

十一

開遲偏恠習
家園故故東
風怨峭寒
是也却教
屏外見仙
乎曾向掌
中安織魂
奔月難留
夢半

面銷粧尚為歡同是蘭成愁思在相看真悔著
夜單

十二

邊聲切切語琵琶帳底蕭娘絕塞髮方麩隱囊
人側帽青鞋羅帶晚還家掩闕寂寂難料理問
訊迢迢祗歎嗟那復筵前開頃刻與儂偷駐小
年華

十三

試粉何郎倦目挑薰香荀令困膚撓三千金粉

南朝客一咲衣射北郭騷風暖風寒雙海眼春
生春死半秋毛明瓊採取後人呪博進無心鬪
錦袍

十四

千金曾度可憐宵但惹微風不耐嬌未嫁預施
醫後頰爭高還折舞時腰游魂夢蝶真千載得
意飛虫共一朝陋巷依然揚子宅自籠春茗試
春潮

十五

危芳翻弄轉稀疎
暗地苔痕伴索居
搏露漸酣
雙白宿波頻上
小紅魚輕羅正待佳人翦
艷鬢難禁綺節除
攪得新蒲卷裙帶
閒將蕉葉併題書

十六

休將新樂唱于闐
染袂何應解宿纏
珠淚與拚同日盡
木腸難試此時堅
小錢買舞榆干菜
舊物留歡蘇一瓊
意氣河橋奈何許
夜深愁殺灞陵畋

十七

楊花歸夢繞魚萍蝴蝶春魂怯馬塋墓盡美人
鵲寂樂時逢公子燕何能羅袂換遍紅心草翠
袖燒殘子夜燈恠殺年年三月節同心行兩上
西陵

十八

一夕蒼茫不可論清陰遙望數家邨栽培始憶
冰霜苦飄泊仍含雨露息金椀未迷身後約彩
舟何負去時魂吳姬喚客金陵店惱煞啼鴉繞

白門

十九

盡日相將逐冶游道無愁處始成愁夢中夢殢
少年少春尾春兼流水流委地分明三語掾連
雲消息九皇州十尋重拂江潭岬極目天涯獨
倚樓

二十

天斜爭認董妖嬈無賴侵人懶自嘲禪榻鬢絲
風不定游韁歌館晝初交六銖迴袖天衣亂七

寶傾輪月殿均道是分明空過眼故應難遣向
芳郊

二十一

丁尾鉤簾瑟二櫺江皋烟薄晝冥二天長吳苑
連高榭路轉西江入小屏心字暗縈深宛二眉
圖相寫太惺二芳姿不待畹二去曲塢迴塘况
所經

二十二

過一百五身事慵慵二愁打景陽鐘已空執樂

三千指刺有微吟十二峰故里青門田十畝昨
遊朱館路千重經年慣作長安別不分鄰舟特
地逢

二十三

冶裏梅根掃鏡橫江干枇杷葉並船迎碧羅天氣
教中酒紅豆心情恰聽箏懊惱半嫌成錯莫惺
忪長是不分明弓腰一曲渾銷得腸斷人間阮
步兵

二十四

豈惜高臺護一檐
尖風成片巧磨鑱
命緣天付傾城短
謫為心貪結子巖
半額荆墳飛玉繭
六宮苔鎖散珠奩
海棠旌旆麒麟畫
自爾因思不可兼

二十五

開何緣業謝何因
不信春情慣不真
一斛妬拋珠密寄
更衣貪取玉橫陳
入宮自訝連城價
失路偏多絕代人
欲覓東鄰王仲武
封遶三尺恐揄茵

二十六

彈指鉛華著處空寂寥誰更問殘紅世情慣識
蜂將蝶好事恒兼雨打風翠袖曲闌凭欲歌鈿
車流水去難逢綠陰芳草家家晚園柳鳴蟬一
聽中

二十七

盈二粧浥露條芳的二愁縈膩粉光連縷向分
勞謝女合歡中斷憶吳娘幾回掩斂和煙瘦不
分飄零特地香趁得清溪三百曲年季留恨過

橫塘

二十八

橘刺藤梢合故溪
笋厨櫻市報新題
嬋娟有恨生相見
弱水無端死欲西
萬事悠悠雲反覆
一春宵宵醉低迷
蓬萊尺海塵成斗
何恨遊蜂上馬蹄

二十九

風光駘宕力難扶
物色分遺劉野夫
小渡晴波將芍藥
下山芳澗採靡蕪
游絲約掠禁全嬾
嫩

蕊商量好在無池草自生吟思減那將新句借
封胡

三十

大堤寒食水接藍徧洗芳華夢正酣何恨石姨
工罵座竟成萱女解宜男翻車試挽連錢馬繞
樹應抽八繭蠶歸路更無春去處朝朝江北與
江南

暮春過許溪橋

東風還引客閒過許溪橋三月憐芳艸春波縵

碧綃灣環連罨畫幽僻稱漁樵便欲開三徑羊
求可共招

同高維清夜飲半閣

閣小堪留客身閒合舉杯故人兼跌宕暫醉莫
徘徊入酒紅燈咲當窓皓月催相看知己在幽
約好頻來

並頭蓮二首

羅襪何人伴宓妃渡江雙楫輒來時遲遲對影
嬌無語脈脈同心託所思照水有情憐玉井因

風俱笑倚湘湄故應留與鴛鴦妬菜豆花前宿
未移

二

涿水芙蓉本是雙合跗連萼出芳房種未辛苦
歌蓮子開窠多情結蕙纈曉鏡玻璃明妬臉晚
塘紅粉雜生香休將並蒂誇梔子詩贈徐娘與
謝娘

泉亭納涼

銷暑向何處來此孤亭中枕簟石上綠衣裳松

下風盡日無客到
閒心惟鳥同
泱泱聽派泉
忽覺萬慮空
洒然迴清涼
赤日無祝融
何用踏層冰
思入秋菰叢

題趙千里仙山樓閣圖

三山遠在東海東
無人能到蓬萊宮
六鰲翻後峰影散
乘波上下隨天風
秦皇漢武空好事
海邊極望心無窮
自非騷鸞與騎鶴
安得直向方壺中
此圖妙絕誰所畫
瀛洲員嶠春蓬蓬
神仙窟宅如眼見
攝入筆底幻化工
海潮鴻濛連弱

水縹緲金碧浮諸峰非烟五色出樓閣琅玕八
樹攢青紅仙家漫道一無事六種瑶草畊群龍
乃知與世了不異衣食未免勞其躬當時作者
如有意不止毫繪詩精融歌成畫捲悟法界聲
希色淨歸空 =

重過許溪橋

槁笛許丁卯溪路憶微吟客興連邨入秋光到
眼深沙寒初落澗風響漸踈林即事添幽賞餘
情遠獨尋

賦得燈花何太喜

抱焰融融暖光清透碧紗向人渾欲笑披暈更生花夜永明偏好紅深影未斜端能將喜事消息報誰家

秋閨怨

天遠金微路書稀漢使前愁閨與明月俱是不成眠

二

洞房秋日薄玉闌寒氣深聲二怨砧杵處處擣

愁心

三

輶出門前望不聞郎馬嘶試看別時柳黃葉滿
江堤

四

憶郎還夢郎睡起淚先落徘徊明鏡前暗擲金
釵卜

古研

石骨巧誰裁分明鏡面開圓承青玉案膩落紫

雲堆古色浮龍甲，輕香吐麝煤。端州舊太守，曾道結鄰來。

贈歌者蕭元二首

渭城歌裏認何戡，一曲當筵酒未闌。誰付新詩周小史，過江風調數張翰。

二

長鬚不羨董嬌嬈，能使江南客恨消。唱盡新詞饒宛轉，姓蕭人定解吹簫。

擁爐吟

冬月寒氣盛朔風來遶隔千林聲蕭條如與波
濤俱幽人不出戶歲晏無所須坐披鹿皮巾閒
讀挿架書終日安取暖竹火吹瓦爐俄然一室
內和候成春煦匡牀之高眠濁酒幸滿壺何必
狐貉温即此良可娛

春雪

尚覺春寒在旋看片雪生因風隨處落到地不
勝輕晴訝銷偏易光侵夜更明併將梅蕊發村
畔斃枝橫

花朝簡鄒義章

小軒朝啓對芳辰二月江南早識春
正喜風光全向暖又催花事一番新
水邨山郭憑拖屐綠酒紅亭擬脫巾
鶯友相呼遙問訊莫將時節負閒身

杏花

曲江池畔杏園東占斷韶華二月中
綃影生香輕乍翦粉痕凝露暖初融
枝分上苑天邊樹蕊暗神仙宅裏叢
漫逐天桃比顏色年年相亞淺

深紅

咏釵

一枝紅玉琢文鷄重綴珍珠壓翠鈿纖手插時
嫌未正雲鬟嬌處更宜偏九鷄窺鏡曾含咲雙
燕臨風似欲仙與作春粧本無價齊宮虛說萬
金錢

咏釧

軟金細細鏤蟠螭條脫輕盈月一規淺約臂痕
如雪藕明侵膚影妬凝脂枕邊暫卸聲偏密袖

底深籠見每遲佳約纏綿長不解紅紗誰數繫
來時

山中即景

物外無形役山中坐掩扉細分泉水脈閒待嶺
雲歸易遣勞生事因知靜者機絲桐得幽趣隨
意正堪揮

夜宴曲為朱畹滋作

堤上菲菲春草萼春橈不渡春波歌陌頭楊柳
暗栖鴉天末微黃見纖月纖月娟娟照南浦錦

沙鷗瀟瀟眠三五蝴蝶花枝抱夢雲游蜂別宿深
深處檐前漏水啼丁丁樓頭的博打鼓聲官橋
十里斷歸客燈火悄然迷一城城南遙二百花
墅低挂春星帶芳樹誰家金屋夜筵開一丈高
燒絳羅炬筵前屏風圍碧紗遠山十二芙蓉斜
盡遮愁思不到處紅尾鷗鷄啣晚霞關西黃鬚
少年俠慣惜金丸打江鴨瓮畔偷隨吏部眠道
傍長荷劉伶鍤邀賓綺褥雙舞鸞瑪瑙紮釘干
珍盤座中豪客金陵子江東新曲常林歡石城

艇子小蘭菜迎得樅根倚雙楫雨痕霧影荆臺
高飛向深宵兩相結狡獬吹火香爇春烟冪
人煎海濃緩搖團扇歌白紵輕綽銖衣露露焚
小妓翩妍如碧玉湘水千行妬裙幅美人桂黛
爭鸞環迴入青銅鬪蛾綠水紅越綾轉長袖秦
箏冰破丁東扣三分隊紫鴛央一含嬌瓊
荳蔻眼波齊動秋河水贈郎只有新蓮子仙人
玉壺傾縹鱗莫怕銀床醉難起金鯨一飛百榼
多白雨倒卷連山波盡翻酒浪作東海繡被自

閒如樂何豹脂龍燭光相射絳煤千疊花難謝
晶晶暖粉酣胭脂釵鳳幾雙低欲卸拚借溫柔
作醉鄉人間萬事俱茫茫井上新桐映投轄西
京益公真酒狂說劍當筵兼舞蔗食單更進牛
心炙重拂瓊簫付紫雲一聲宿鳥驚芳榭五更
欲度天沉沉畫鐸無風簾幙深但愁促漏磬行
樂願得扶桑迷曉林天上雄雞啼啞啞城頭畢
逋城影直東方漸高落曙星連前一樹梨花白
鬱金堂上澹熒二嬋娟倦倚雲母屏酒旗昨夜

照何處魯國朱家雙鬢青
吳岫岑岑楚波繞門
傍江南往來道留醉東平
個儻人相看意氣知
多少